



Broj: 16-12-16-8249-8 /24  
I. Sarajevo, 02.12. - 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka d) člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-8249/24 od 02.12.2024. godine, u postupku javne nabavke 80 komada futrola za pištolj za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## O D L U K U

o poništenju postupka javne nabavke futrola za pištolj za potrebe Državne agencije za istrage i zaštitu

### Član 1.

Poništava se postupak javne nabavke 80 komada futrola za pištolj za potrebe Državne agencije za istrage i zaštitu (u daljem tekstu: Agencija), putem konkurentskog zahtjeva, za koje je obavještenje o javnoj nabavci broj 1161-7-1-308-3-86/24 objavljeno na Portalu javnih nabavki dana 14.11.2024. godine i u „Službenom glasniku BiH“, broj 80/24 od 22.11.2024. godine, iz razloga što nijedna od primljenih ponuda nije prihvatljiva.

### Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

### Član 3.

Za izvršenje ove odluke zadužuje se Sektor za materijalno-finansijske poslove Agencije.

### Član 4.

Ova odluka stupa na snagu danom donošenja.

## O b r a z l o ž e n j e

Odlukom broj 16-12-16-8249-1/24 od 12.11.2024. godine, pokrenut je postupak javne nabavke 80 komada futrola za pištolj za potrebe Agencije, procijenjene vrijednosti 30.000,00 KM bez uračunatog PDV-a, za koje je obavještenje o javnoj nabavci broj 1161-7-1-308-3-86/24 objavljeno na Portalu javnih nabavki dana 14.11.2024. godine i u „Službenom glasniku BiH“, broj 80/24 od 22.11.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24). Za navedeni postupak javne nabavke predviđeno je provođenje aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 26.11.2024. godine do 13:00 sati, te da se ponude dostavljaju u zatvorenoj koverti, Komisija je dana 26.11.2024. godine u 14:00 sati izvršila javno otvaranje ponude, te je konstatovala da su u ostavljenom roku pristigle tri ponude i to:

R/B	Naziv/ime ponuđača	Ponuđena cijena u KM bez uračunatog PDV-a
1.	„MM TRADE” d.o.o. Široki Brijeg	26.000,00
2.	„NEXIS” d.o.o. Sarajevo	30.000,00
3.	„DANIAL S” d.o.o. Tešanj	30.000,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, u roku od tri dana, koji je dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponude ponuđača „MM TRADE” d.o.o. Široki Brijeg, „NEXIS” d.o.o. Sarajevo i „DANIAL S” d.o.o. Tešanj, ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

U cilju ocjene tehničkih uslova postavljenih u Konkurentskom zahtjevu, Komisija je od Jedinice za specijalnu podršku Agencije aktom broj 16-12-16-8249/24 od 27.11.2024. godine, tražila da na osnovu uvida u ponude ponuđača „MM TRADE” d.o.o. Široki Brijeg, „NEXIS” d.o.o. Sarajevo i „DANIAL S” d.o.o. Tešanj dostave stručno mišljenje, da li ponude navedenih ponuđača ispunjavaju tehničke uslove postavljene u tački 3.1.4. Konkurentskog zahtjeva (član 50. Zakona - Tehnička i profesionalna sposobnost). Aktom broj 16-09-16-8249/24 od 29.11.2024. godine, Jedinica za specijalnu podršku Agencije dostavila je stručno mišljenje, u kojem je navedeno slijedeće:

- Uvidom u tehničku specifikaciju ponude ponuđača „MM TRADE” d.o.o. Široki Brijeg, utvrđeno je da je navedeni ponuđač ponudio futrolu za model oružja koji se odnosi na kratko naoružanje marke „SPRINGFIELD/HS Produkt XDM 4,5”, dok Jedinica za specijalnu podršku Agencije koristi pištolj marke „GLOCK” tip 17. Takođe, u ponudi ponuđača „MM TRADE” d.o.o. Široki Brijeg unutrašnjost futrole nije obložena brušenom kožom koja štiti vanjski dio pištolja, što ne odgovara traženim specifikacijama i potrebama Jedinice za specijalnu podršku Agencije;

- Uvidom u tehničku specifikaciju ponude ponuđača „NEXIS” d.o.o. Sarajevo, utvrđeno je da je unutrašnjost futrole obložena brušenom kožom, dok je internetskim uvidom u specifikaciju ponuđenog modela utvrđeno da u unutrašnjem dijelu nema zaštite za vanjski dio pištolja od brušene kože. Takođe, u specifikaciji ponude ponuđača „NEXIS” d.o.o. Sarajevo nije definisano da klizač pištolja ne smije biti izložen više od 1 centimetra kada je futrola, te da ponuđena futrola nema haubu za zaštitu za crvenu tačku, što ne odgovara traženim specifikacijama i potrebama Jedinice za specijalnu podršku Agencije;

- Uvidom u tehničku specifikaciju ponude ponuđača „DANIAL S” d.o.o. Tešanj, utvrđeno je da se ista odnosi na futrolu marke „SAFARILAND”, da je ista „Mid ride level”, a Tenderskom dokumentacijom traženo je „Low ride level”. Osim navedenog, utvrđeno je da u ponudi ponuđača „DANIAL S” d.o.o. Tešanj, drška pištolja prelazi preko gornjeg dijela opasača, dok je Tenderskom dokumentacijom traženo da kada je montiran na pojasu i u futrola, drška pištolja ne smije prelaziti preko gornjeg dijela opasača, što ne odgovara traženim specifikacijama i potrebama Jedinice za specijalnu podršku Agencije.



Cijeneći stručno mišljenje Jedinice za specijalnu podršku Agencije, kao i Izvještaj o pitanjima i odgovorima u vezi sa Konkurentskim zahtjevom, Komisija je utvrdila da ponude ponuđača „MM TRADE” d.o.o. Široki Brijeg, „NEXIS” d.o.o. Sarajevo i „DANIAL S” d.o.o. Tešanj, ne ispunjavaju tehničke uslove postavljene u tački 3.1.4. Konkurentskog zahtjeva (član 50. Zakona - Tehnička i profesionalna sposobnost), te s obzirom na navedeno Komisija navedene ponude nije uzela u dalje razmatranje.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se poništi postupak javne nabavke 80 komada futrola za pištolj za potrebe Agencije, u skladu sa odredbom člana 69. stav (2) tačka d) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

DOSTAVLJENO:

- Ponuđačima (3x);
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Danko Čulum

